

КИРОВЕЦ

Тыловой ВКП(б) Райкомлэн но Райсполкомлэн органы

26 март 1938 арын | № 23 | 4-тй арзэ потэ

Кидыс воштонэз жоген быдэстоно

Выйлыко урожай басьтонин колхоз'ёслэсь муз'емзэс сортовой кидысэн кизён бадзым условиен луэ. Районыстымы колхоз'ёс тулыс ю кизёнлы дасяськон нуеса одно ик сортовойтэм кидысэз сортовой воштонэз жоген быдэстон вылысь ужано вал. Районамы та уезз быдэстыны вань условиос луыса но, куд-ог сельсовет но колхоз председательёс кудэсь валамтэен бездействовать карыса уло, кидыс воштонэз бере кельто.

Тани Зюзинской, Кельдышевской, Бородулинской, Ст. Кычевской сельсовет'ёс кидыс воштонлы саклык өз вис'ялэ. Зюзинской сельсоветын кидыс воштон 15,1 процент сяна быдэстэмын өвёл, Кельдышевской — 24,4 процент, Бородулинской но Ст. Кычевской сельсовет'ёсын 23,4 процент гинэ воштэмын.

Куд-огез колхоз председательёс та уезз пичи ужен ляд'яло. Тани „Рекорд“ колхозлэн председателэз Зуев, „Н. Жизнь“ колхозлэн председателэз Пovyшев но „М. Ита“ колхозысь председатель Корепанов Дебесс районысь „Власть труда“ колхозэн кемалась договор гожтоно вал нй. Нош та дырозь договор гожтыны өз ветлэна,

кидыс воштонэз организовать уг каро. „М. Ита“ колхозлэн председателэз Корепанов ачиз кидыс воштонэз сорвать каре. Со шуэ: „кидыс воштэм понна разницазэ тыроно, соин сэрэн ум воштэлэ“. „Борец“ но „Красное приуралие“ колхоз'ёслэн председателёссы но кидыс воштонэз организовать уг каро. Татын та дырозь одйг килограмм но воштэмын өвёл на.

Сыче но факт'ёс вань сортовой кидысэз вайыса сортовойтэм кидысэн сура-ло. Тани „Токарь“ колхоз, Оханцы сельсоветысь, колхоз председателэз Шестерников, 6 центнер сортовой кидысэз сортовойтэм кидысэн сурам. Таچه факт'ёс сое возматэ. что куд-ог колхоз председателёс сортовой кидыслэсь бадзым значенизэ уг валало. Кидыс воштонэз по-больше-вистски организовать уг каро.

Таچه ужен чиданы улуы, тулыс ю кизён матэ но матэ вуэ, сюрес урод луэ. Соин ик кидыс воштонэз та матысь нунал'ёсы быдэстон вылысь организовать кароно. Сортовой кидысэн кизыса выйлыко урожай басьтонэз обеспечить кароно.



Кировской РК ВЛКСМ РСФСР-ысь Верховной Советэ быриискон законэз изучать карыны агитатор'ёслы курс ортчытыз. Умой комсомолец'ёс, куд'ёсыз курсэз быдтызы (бурпалысен паллян пала) Я. Д. Морозов, В. А. Синяев, А. А. Промысл, В. В. Сорокин, М. Ф. Соловей.



Свред вылын (паллян палысен бур пала) Ширшов, Федоров Папанин, Кренкель Комсомольской площадь вылын митинг ортчытон дыр'я трибуна вылын.

Рейд ортчытэмлэн итог'ёсыз

10-тй февральысен 10-тй мартозь „Кировец“ газетлэн редакциез но ВЛКСМ райком колхоз'ёслэсь, бригадоослэсь, звеноослэсь тулыс ю кизёнлы дасяськон ортчытызы. Та эскерон ортчытэм сое возматыз, что уноез колхоз'ёс, бригадоос, звеноос тулыс ю кизёнлы дасяськонэз организоват уг каро. Колхоз председателёссы, бригадир'ёссы, колхозник'ёссы, колхозницаослы одно ик сое валано, что 1938 арын выйлыко урожай басьтыны — кизёнлы умой дасяськыса гинэ луоз.

Ми колхоз'ёслэсь, бригадоослэсь тулыс кизёнлы дасяськемзэс улй возматиськом.

Итинск сельсоветысь „Свобода“ колхозын сельхоз. инвентарез ремонттировать уг каро. 6 сеялкаос пöлысь 2 гинэ дася. Усыос лымы улын кыллэ. Сиес'ёс, гоэмы дасясь өвёл.

Ст. Кыч сельсоветысь „Трактор“ но „Факел“ колхоз'ёс тулыс ю кизёнлы чидантэм ляб дасясько. Сельхоз. инвентарь ремонттировать карыны умой-умой кутскылымтэ. Сиес'ёс уг окмо, плуг'ёс, усыос ремонттировать карымтэ. Сортовой кидыс воштыса быдэстымтэ. Колхоз председателёс Дудырев но Власов та уезз организовать уг каро.

Зюзино сельсоветысь „Борец“ колхозын та дырозь одйг килограмм но

сортовой кидыс воштымтэ. Колхозэн кивалтисьёс таچه важной ужлы безответственно относиться карисько.

Бородуль сельсоветын „Власть советов“ колхозын кутсаьскон али но быдэстымтэ, ваньмыз 32 кабан вань на. Тулыс ю кизёнлы дасясь өвёл. Сиес котыр дасямтэ. 18 плуг пöлысь 3 гинэ ремонттировать каре-мын. 6 сеялкаос но таос ваньмыз лымы улын кыллэ. Сортовой кидыс 25 процент гинэ воштэмын, нош та но сортовойтэм кидысэн одйг сусегын храниться кариське, сортирование ляб мынэ.

Итинск сельсоветысь „Кр. Ита“ колхоз тулыс ю кизёнлы образцово дасяськонлы саклык ичи вис'яз, туннэ нуналозь кидыс воштон ваньмыз быдтымтэ.

Уйвай сельсоветысь „Октябрь“ колхоз тулыс ю кизёнлы уг дасяськы. Сельхоз. инвентарь тупатымтэ, сиес котыр уг тупатиськы, сортовой кидыс воштон быдэстымтэ. Ваньмыз но сортовой кидыс чидантэм урод храниться кариське, кладовщик Васильев аслаз ужаз урод относиться кариське.

Тыловой сельсоветысь „1 май“ колхоз тулыс ю кизёнлы дасяськоно шуса ужаны кутскон ик вал но пумозяз өз вуттэ на. Сельхоз. инвентарь ваньмыз тупатэмын, вал'ёслэн тырлыксы умоесь, нош верано луэ колхоз сортовой кидыс воштонэз 75 проц. сяна өз быдэсты, озы ик сортировать 60 процентлы сяна каре-мын өвёл.

Дырзэс юса орчыто

Уйвай сельсоветысь „Кирово“ колхозлэн кивалтисьёсыз дырзэс юса орчыто. Тани колхозын кык кузя счетовод'ёс ужало, ужзэс уг быдэсьяло, трудодень гож'ян дырыз дыр'я уг мыны: Колхозник'ёслэн трудо-деньёсы ышыло. Колхозын дисциплина чидантэм урод, ужаны бер ветло, вазь берто. Бригадир'ёс колхозник'ёслэн ужанназы мыныса уг эскеро.

Колхозник.

Мойюсты дышетон умой мынэ

Уйвай сельсоветысь „Поляна“ колхозын мойюсты дышетон умой пунктэмын. Колхозник'ёс но колхозницаос талэсь кулэлыкэс валазы, дышетскыны нуналлы быдэ ветло. Ликпунтэ ваньмыз 8 мурт ветло. Соос пöлысь одйгез неграмотной, сизымез малограмотноеь. Таослэн дышетсконлы умой относиться кариськеменызы но дышетскыны ветлэменызы али дыр'я 5 мурт ликпунктэн выпус-

Испанилэн фронт'ёсаз

Восточной (арагонской) Фронтын

14 мартэ мятежник'ёс (Каспе дорысен Юго-запад пала) Альканьиз но Каланда дорозь вуизы. Альканьиз Итальянской моторизированной колоннаен занять каремын вал.

* * *
14 мартэ уин республиканской авиация Бельчитеын сылысь мятежник'ёсыз озы ик Бельчитеысь Рсайлае мынись 50 грузовик'ёсты бомбардировать кариз. 14 мартэ чукна Альканьиз дорын республиканской истребительёс 30 фашистской „Фиат“ самолёт'ёсын жугиськон нуизы, 6 фашистской самолёт'ёсты уськытэмын. Мукет жугиськонын 3 фашистской „Фиат“ самолёт'ёс уськытэмын на.



Испанысь республиканской частьёслэн поварзы, республиканской боец'ёслы обед дася.

Еврейской погром'ёс

Женева, 19 мартэ. „Национальной цейтунг“ газетлэн Прагаысь корреспондентэз ивортэ, что Вена городлэн еврейёсын населить карем квартал'ёсаз погром'ёс ортчизы. Данакез еврейской магазин'ёс куашкат'ямын. Ог 500 мурт мында еврейёс арестовать каремын. Еврейской общиналэн юртысьтыз кассаысь вань коньдон таламын.

52 заключеннойёс мятежник'ёсын ыбылэмын

Париж, 19 мартэ. Эспань агенстволэн танжерысь корреспондентэзлэн ивортэмез'я, Эль Ачо тюрьмаысь (Испанской Марокко) 52 мурт заключеннойёсты мятежник'ёс ыбылизы. Соос пöлын республиканской армилэн боец'ёсыз но офицер'ёсыз вал.

титить каремын. Та выпустить карем мурт'ёс али шум пото инй „ми табере гож'ясыкыны, лыдзыны умой быгатиськом, газет лядзиськом“ шуса верало.

Соин ик ваньмызлы та „Поляна“ колхозлэсь пример басьтыса неграмотностез но малограмотностез быдтон вылысь умой-умой ужаны кутсконо.

ПЕРЕВОЗЧИКОВ.

Нюлэс дасян государственной планэз быдэстоно

Тани нюлэс дасян'я но ворттон'я ялэм стахановской месячник ортчиз ины. Стахановской месячниклэн итог'ёсыз возматом, что Тыловой лесопункт вылаз возложить карем задачо-сыз оз быдэсты. Стахановской месячником быдэстон вылысь ужам интые лесопунктлэн азьло начальни-кез Кирилов дырэе юкса но от'ят ветлыса орч-чыт'яз. Нюлэскын ужас-ёсын ноқыче массово-раз-яснительной уж оз нуэ. Соин ик ужлэн производи-тельностьтез ичи луылэз.

Стахановской месячник-лэн куашкамезлэн мугез соин но луэ, что сельсо-вет председательёс но колхоз председательёс ВКП(б) обкомлэсь но УАССР-ысь Совнаркомлэсь решениоссэс уже оз кутэ, сое быдэстон вылысь ичи сюлмаськызы.

Тужгес ик нюлэс ужын Кельдыш сельсовет чидан-тэм урод ужа, тани 38 валэн ужано вал, туннэ нуналэ 17 в а л гинэ ужа. Таослэсь пичи но отли-читься Ст. Кыч сельсовет уг кариськы, нюлэскын 26 адями ужано вал, ужало ваньмыз кык адями Озы ик В. Четкерской но Итинской сельсовет'ёс ню-лэс ужлы саклык ичи вис-язы.

Нош Итинск сельсовете-тысь „На страже“ колхо-зысь колхозник Максимов Петр Иванович нюлэскын умой-умой ужам интые колхозник'ёс пблын сабо-таж жутэм, агитировать каре „айдате гуртэ бертом,

нюлэс ужез ужаса уд быд-ты, нюлэс уж асьме понна гинэ овёл, куке тырмытом ай“ шуса супыльтэ.

Талэсь но у р о д уж В. Четкер сельсоветысь „Луна“ колхозын. Колхоз иб сюрес вылын нюлэс поттонын ужаса, иб сюрес-сэз дырыз дыр'я сузямтэен лесопункт ужась кужым мед'яса сюрес сузятонно лу-из. Та сузям дыр'я иб сюрес вылын 3-4 нунал ужа-ны оз луы, нунал'ёс прос-тоесь луизы.

Озы „Луна“ колхозлэн аслаз ужаз бездушно отно-ситься кариськеменыз ле-сопунктлы колхоз бад'ым убытка лэсьтэиз.

Ст. Кыч сельсоветысь „Трактор“ колхоз 1937 ар понна IV кварталлы но планэз оз быдэсты, озы ик али но нюлэскын ужан-лэсь палэнске.

Нош таин чош ик куд-ог колхоз'ёс нюлэскын ужан-лэсь кулэлыкэс валазы.

Тани Шудзялуд сельсовете-тысь „Новый путь“ колхоз 992 км. дасяно ке вал, со 1496 км дасяз, процентТэн вераса 151 процентлы бы-дэстиз.

Озы ик В. Четкер сельсоветысь „Ударник“ но „Планета“ колхоз'ёс нюлэскын урод оз ужалэ. „Ударник“ колхоз нюлэс дасянэз 108 процентлы бы-дэстиз, „Планета“ колхоз 118 процентлы быдэстиз.

Соин ик али та матысь нуналэ нюлэскын ужаннысь прорывез ликвидировать кароно, нюлэс дасянын азинскон'ёс басьтоно. **ИВАНОВ.**


Государстволы етин сётон тыр-мымтэ

В-Четкер сельсоветысь „Планета“ колхоз туннэ ну-налозь государстволы етин сётонэз оз быдэсты на. Колхозлэн председателез Жига-лов государстволы етин сётонлэсь кулэлыкэс оз вала, ваньмыз 15 центнер но 20 кг. етин тырмытымтэ на. Жигалов „государстволы етинэз сётыны вуом ай, со обязательной поставка овёл, али кезыт, тулыс вуиз ке е т й н э з с д а т ь к а р о м“ шуса супыльтэ.

1938 аре выльыко уро-жай басьтон понна уг сюл-маськы, кидысы сортиро-вать карымтэ, минеральной удобрени ворттон быдэстым-тэ. Соин ик чик жегатскы-тэк та тырмытымтэсты быд-тоно, тулыс ю кизёнэз об-разцово орчытон вылысь умой-умой дасясконо. **КОЖЕВНИКОВ.**



Виль звуковой „Волга-Волга“ кинофильмьсь Республикэлэн заслуженной артистэз Л. П. Орлова. Петрова Дунялэсь рольэз шудэ.



Донецкой медицинской институтысь студент'ёслэн общежитизы

Куинь муш'ёс ышизы

Оханцы сельсоветысь „Токарь“ колхозын муш вордонлэсь кулэлыкэс уг валало. Тани колхозын пчеловодка луыса Силича Мария Васильевна ужа, аслаз ужаз халатно отно-ситься кариське. Али дыр'я колхозын куинь муш ыше-мын, Силича колхоз прав-ление лыктыса „Муш'ёс лобзиллям“ шуса бёрдоно кадь вераске. Нош кол-хозлэн правлениез та Си-линалэсь куректэмзэ санэ басьтыса оскиз.

Нош кызы меда муш'ёс пытсам подвалысь толалтэ лобэзы, тумошо кадь луэ. Верано, что Силича муш чуркаысь чечызэ аслыз басьтэиз но муш'ёссэ вы-лыз.

Колхоз правление та-че ужез тодыса но ноқыче уждрад оз куты. Силичалэн пбляляськемезлы оскиз. Соин ик али та ужез умой-умой эскероно но Силича-лы кулэ луись уждрад кут-тоно. **АДЗИСЬ.**

Милемлы иворто

В-Четкер сельсоветысь „Красный путиловец“ кол-хозысь Галичанин Алек-сандр Ефимович котыкче ужпум'ёслы пумит мынэ. Тани Галичанина Нина Мак-симовна неграмотнойёсты но малограмотнойёсты ды-шетоннын сюлмысь ужа, ас котыраз ваньзэ кутыса, ды-шетскыны ветло. Нош Га-личанин Александр талы пумит мынэ, агитировать каре „дышетскыны эн ветлэ, мед со Галичанина дышет-скоз ужез ке овёл“ шуса супыльтэ.

Бородуль сельсоветысь „Власть советов“ колхоз ту-лыс ю кизёнлы уг дасяскыны. Кидысы дасямтэ, мине-ральной удобрени ворттон быдэстымтэ. Озы ик вал'ёслэн тырлыксы понна уг сюлмасько, вал'ёс уродэсь, сиес котыр отын но татын куямын. Инвентарь тупаты-ны кутыскылымтэ. Колхозлэн председателез тулыс ю ки-зёнэ дасясконлы бездуш-но относиться кариське.

Колхозник.

Зюзя НСШ-ысь технич-каос школан чылкытлык понна уг сюлмасько. Пи-нал'ёслэн юон вузы пож, гонэсь но мукет жаген луэ. Дышетскысьёслэн сиськон тусыты—пуньыоссы умой-умой уг миськысько, тусыты дур'ёсыт курмемез уг бы-рылы. Озы ик пинал'ёсыз сюдо. Малы уд миськыль-ке? шуса юамлы „ми ум ке миськыське мынэ гуртады бертэ но сиське“ шуса ке-сясько.

Нош НСШ-лэн директо-рез та ужез тодэ ке но но-қыче уждрад уг куты, без-действовать каре.

АДЗИСЬ.

Отв. редактор

Н. П. КУКЛИН.

Поттись райисполком

Я Л О Н

Шаркан РКШ агротехник'ёс-ты дасян ар'ем курсэ дышет-скысьёсты кутон ялэ. Курсант'-ёс стипендиен обеспечиваться карисько.

Занятие 1938 аре 1 апрель-сен кутско. РКШ-лэн зав. КРАСЯВИН.

Коньдон тырон планмес быдэстим.

Итинск сельсоветысь „На страже“ колхозысь колхоз-ник'ёс, колхозницаос коньдон тыронлэсь кулэлыкэс вала-зы. Общей собраниын кол-хозник'ёс но колхозницаос „право — троцкистской блокысь“ участник'ёслы СССР-ысь верховной судлэн военной коллегиезлэн при-говорез вань советской ка-лыклен приговорзы шуо, фашистской пуныослы бырон шуса ог мылкыдысь одобрять каро.

Гад'ёслы ответэн ми кол-хозник'ёс но колхозницаос 1938 аре вань коньдон ты-ронмес тыриськом. Озы ик районысь колхозёсты, кол-хозник'ёсты но колхозница-осты 1938 аре коньдон ты-рон планэз та матысь нунал-ёсы тырмытон вылысь оти-ськом.

Общей собранилэн косэ-мез'я колхозлэн председа-телез Чирков.

Счетовод—Соболев Колхозник Ашихмин Кассир Соболев

Урод ужало

Итинск сельсоветысь „Ог'я кужым“ колхозын дисциплина куашкан дыре вузымын. Колхозлэн брига-дирез Перевозчиков аслаз ужезлы халатно относиться кариське. Перевозчиков колхозник'ёсты ужаны ыстэ ачиз производное уг вет-лы, ужамзэс уг эскеры. Озы ужамен колхозник'ёс-лэн трудоженёсы ышыло.

Перевозчиков трудожен-ья арчтем бере гинэ гож'я.


Нош колхозлэн предсе-дателез Лопатин та ужез тодэ ке но ноқыче уждрад уг куты, таце ужамлы ачиз способствовать каре, кол-хозник'ёслэсь ужамзэс уг эскеры. Соин ик та ужез чик жегатскытэк тупатонно. **Г.**

Районын ю кидыс кисьтэмлэн, кидыс вош-тэмлэн, минеральной удобрени ворттонлэн но кутсаськонлэн мынэмез сярэсь 1938 аре 20 мартлы

Сводка

(процентэн вераса)

Сельсовет'ёс	Ю. кидыс триировать каремын	Сортовой ю кидыс кисьтэмын	Сортовой кидыс воштэмын	Тысё но бобовой культур. кутсымын	Минераль-ной удоб-рени ворт-тэмын
	Ю. кидыс триировать каремын	Сортовой ю кидыс кисьтэмын	Сортовой кидыс воштэмын	Тысё но бобовой культур. кутсымын	Минераль-ной удоб-рени ворт-тэмын
Тыловойской	61,9	109,5	55,8	99,8	30,1
Шудзялудской	58,4	90,7	39,3	95,9	110,5
В-Четкерской	76,6	93	37,5	95,1	90,2
С-Кычевской	19,4	86	23,5	99,4	92,4
Уйвайской	72,5	50,4	46,9	86,1	51
Оханской	102,9	41	38,7	87,8	87,5
Суроновской	64,1	56,6	28,3	92,5	69,6
Зюзинской	39,4	17,4	15,1	82,5	9,7
Бородулинской	32,4	24,5	23,4	86,3	—
Кельдышевской	14,7	77,9	24,4	99,5	22
Итинской	53,3	66,7	66	98,3	81,9
Ваньмыз	55,5	66,4	36,8	92,1	57,6



Минск городысь Советской ульчаысь корка, кытын (1898 аре март толэзе) РСДРП-лэн 1 с'ездэз ортчиз.